



*Ministry of Civil Affairs*

---

Broj: 14-16-3-13-4/21  
Datum: 22.10.2021. godine

Na osnovu člana člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

**ODLUKU**

**o izboru najpovoljnijeg ponuđača**

**I**

Najpovoljniji ponuđač u postupku javne nabavke laboratorijskih usluga u svrhu monitoringa visoko patogene influence ptica kod peradi i divljih ptica u okviru projekta „Jačanje kapaciteta za nadzor i odgovor na pandemijsku i avijarnu influencu u Bosni i Hercegovini“ objavljenom na web portalu Agencije za javne nabavke BiH, broj obavještenja: 121-7-2-81-3-34/21 od 06.10.2021. godine, koji je proveden u skladu sa procedurom konkurentskog zahtjeva za dostavu ponuda je Javna ustanova Veterinarski institut Republike Srpske „Dr Vaso Butozan“ Banja Luka.

**II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

**III**

Ova odluka stupa na snagu danom donošenja.

**OBRAZLOŽENJE**

Na osnovu provedenog postupka nabavke, Komisija za nabavke je konstatovala da je rok za dostavu ponuda 19.10.2021. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 2 ponude i to ponuđača: Javna ustanova Veterinarski institut Republike Srpske „Dr Vaso Butozan“ Banja Luka i Veterinarski fakultet Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača Veterinarski fakultet Sarajevo nije prihvatljiva iz razloga što nije dostavio odgovarajući akt kako je to traženo tačkom 2.4.2.c) konkurentskog zahtjeva za dostavljanje ponuda. Na stranici 43 ponude dostavljeno je rješenje koje je izdalo Federalno ministarstvo poljoprivrede, vodoprivrede i šumarstva koje se više ne primjenjuje. U rješenju je navedeno da se primjenjuje najduže godinu dana od dana dostavljanja, a iz samog rješenja se može utvrditi da je Veterinarski fakultet Sarajevo navedeno rješenje zaprimio 24.07.2020. godine. Iz navedenog proizilazi da je navedeno rješenje prestalo da se primjenjuje 24.07.2021. godine.

Komisija je utvrdila da je ponuda ponuđača Veterinarski fakultet Sarajevo prihvatljiva, te je analizom ponuda, primjenom kriterija najniža cijena, Komisija utvrdila sljedeće:

Najpovoljnija je ponuda ponuđača Javna ustanova Veterinarski institut Republike Srpske „Dr Vaso Butozan“ Banja Luka sa ukupnom cijenom sa 10.920,00 KM bez PDV-a, odnosno 12.776,40 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



**DOSTAVITI:**

1. Ponuđaču - elektronski
2. Web stranica Ministarstva – na objavu
3. a/a